

استشفا

۱۱ تشرین اول ۱۳۲۴

جمعه ابرنی

نومرو ۶

اورمانه وصیده عائد معاملات محور لایقنده جریان ایتسکه استفاده ایلر . دیوان حربلردن صادر اولان حبس حکملری حقنده ، اولجه سردایلدیکمز مطالعاتی درمیان ایلیمه بیلیرز . دیوان حرب حکملری ، انضباط عسکری مقتضاسیجیه لایتنیر وقطعی الحکمدر . انک حکمی ؛ تأجیل وامهالده ، فائده دن زیاده مضرت موجوددر .

محکمهلردن حکم اولنان مجازات انتباهیه و شرائط تمیزیه جملہ سندن اولوب عندالتصدیق ضبطی لازمکلان ده پوزیتو و مشتکیک حقسز چیقیمی اوزربنه النان مجازات نقدیه حکملری دائره سنده استیفا اولنملری مقتضی اولدینی جهتله تعویق وامهال اصولنه تابع اوله مز .

بعض محاکم حقوقیهده ، محاکمه انساننده و محافظه انضباط ایچون ، مثلاً کورلی ، اوامر عدم اطاعت سببیه تحت قراره النان قباحت درجه سنده کی حبس جزالری ، علنیت محاکمینی اداره ، و محاکمه نک جریاتی تأمین اوغرنده حکم اولنه جفندن اشبو محبوسیتلر کذلک خارج از حساب اولقی لازمدر .

عبدالخالق مدحت

بوغازلر مسئله‌سی

چناق قلعه و قره دکر بوغازلری مسئله شرقیه نک بر فرع مهمیدر . دولت علیه اشبو بوغازلرک بتون سواحلنه مالک و قره دکر بوغازینک طارلنی شایان دقت اولمقله برابر و قتیلہ اولدینی کبی الیوم بشون سواحلی حکومت عثمانیه عائدبولنمیان بحر سیاهک قبالی دکرلر زمهره سنه ادخال ایدیلهمیه جکی اشکاردر خصوصاکه طونه نهرینک منصبی تشکیل ایدن بحر مذکورک سدی نهر مذکورک سواحلنه مالک اولان آوستریا ، مجارستان ، صربستان و رومانیا نک بحر سفید ایله الکطیبی بر وسطه اختلاط و مناقله دن محرومیتلری استلزام ایلر . ۱۷۲۹ تاریخنده عقد اولنان بلغراد معاهده‌سی موجبجه روسیه نک بحر سیاهده قزاقمش اولدینی سواحل

استرداد ایدیش اولدیغندن بحر مذکور قبالی ذکر عد ایدیلوب سفن حربیه و تجاریه اجنبیه نك مروری منع ایدلمشدر ۱۷۷۴ تاریخنده منعقد کچوک قینارجه معاهده سی احکامی ایسه دولت علیه به بسارایا و افلاق و بغدادی اعاده ایلمله برابر ایکنجی قارتینا روسیه سفاتنک بحریه ایله مرمره دکرینک و علی العموم عثمانلی صولرنده اجرای سفر و سیاحت ایلکم حقی اکتساب ایلمشدی. بالاخره انکلتره ایله ۱۷۹۹ و فرانسه ایله ۱۸۰۲ تاریخلرنده عقد اولنان معاهده نامه لک اقتضاسیجه بوغازلر سفن تجاریه اجنبیه به تماماً سربست بر اقلمشدر ۱۸۲۹ تاریخنده کی ادرنه معاهده سی ایسه روسیه حکومتنه بحر سیاهده سفن حربیه بولندیرمق حقی بخش ایلدیکی کچی دول سارده نك سفن تجاریه سنه دخی بوغازلرک کشاده بولنسی اصولی وضع ایلمشدر. ۱۸۳۳ تاریخنده روسیه حکومتی احوال داخلیه مزک بحران و تذبذبندن بالاستفاده استانبوله طوغری بریول آچق و ممالک عثمانیه قارشی وسائط تجاوزیه سی تقویه و تحکیم ایلکم امنیه سیله دولت علیه به حنکار اسکله سی معاهده سی امضاوانک طرفندن طلب وقوع بولدیجه بوغازلرک سفن اجنبیه به سدی تعهدنی قبول ایتدیرمشیدی.

دولت علیه بو معاهده ایله استانبولک امن و اسایشنه تعلق فوق العاده سی حبسیله بوغازلرک سدی حقنده اولوقته قدر تعقیب ایلمش اولدیغی لایتغیر دستور سیاسته مغایر بر حرکته بولنهرق روسیه نك تجاوزات ملحوظه سنه قارشی بویه قوتلی بر تدبیر احتیاطینک بخش ایلدیکی تأمینندن محروم قلمش اولیور ایدی. مسئله شرقیه نك اختلاف منافع و آمال دول حبسیله اکثریا بر مسئله غربیه شکلی آلفده اولدیغی معلومدر. اشته بوقبیلدن اولهرق انکلتره ایله فرانسه بر مدت کیزی طوتیلان اشبو معاهده نك احکامندن فوق العاده تالاش و احکام مذکوره نك تطبیق و اجرا سنه کمال شدتله ممانعت اظهار ایلدیلمر موضوع بحث اولان معاهده نك انعقادنی استیزام ایدن محمد علی غائله سنک ختامی متعاقب بوغازلر مسئله سی بین الدول موقع تذکره وضع ایدیلهرک ۱۸۴۱ تاریخنده انکلتره، اوستریا، فرانسه، پروسیا، روسیه و دولت علیه بیننده بر قونفرانس انعقاد ایلدی. اشبو قونفرانسک نتیجه مذاکراتنده حکومت

عثمانیه حال صلحده بولندیجه بوغازلرک یالکرسفن حربیه اجنبیه قارشى مسدود بولمسی کرک بابعالی وکرک دول بمضیه سائر طرفندن درعهده ایدلمش بر مجبوریته عهده سورنده قبول ایدلمشدر. روسیه حکومتک چوک قینارجه معاهده سنک احکامنه توفیقاً اورتودقسرلر حقنده حائز اولمش اولدیغی حق حمایه استناداً قریم محاربه‌سی انتاج ایدن تجاوزات مادیه‌سی معلومدر. محاربه مذکورده بی متعاقب ۱۸۵۶ تاریخده عقد اولنان پارس معاهده‌سی دولت علیه‌ک تمامی ملکیتنی دولترک تحت ضمان وکفالتنه وضع ایلدیکی کبی روسیه حکومتک مادی و معنوی وسائط تجاوزیه‌سی دخی رفع وابطال ایلکم مقصدیله بی طرف دولترک بی طرف دکرلر قاعده‌دولیه‌سی احداث ایدرک بوقاعده بی بحریاها تطبیق ایلمشدر. پارس معاهده‌سی ۱۸۴۰ معاهده سنک احکامنی تجدید ایتکمکه برابر بحر سیاه بی طرف بر دکر اعلان ایدلرک بحر مذکور سواحلتک محافظه امنیته مأمور بعض خفیف کیلردن بشقه کرک دولت علیه ایله روسیه‌ک وکرک دول سائرک سفن حربیه‌سنه سد ایدلمشدر. ۱۱ و ۱۴ نجی مادهلر حکومت عثمانیه ایله روسیه‌ک بحریاها سواحلتده‌ری ویا بحری ترسانلر انشامی حقنی رفع ایلمش ایدی. معاهده مذکورده مواد مبحوئه ایله روسیه‌ک بحریاها کی تفوق وحاکمیتنی بالازاله دکر طرفندن در سعاده ایصال ایدن یولی تحت محافظه آلمش بولنیور ایدی. معافیه روسیه‌کی قوی الشکیمه و مستعدالتوسع بر دولترک بویله شرف واستقلالیه غیر قابل تألیف بر طاقم قیود شدیدده آلتیده مدت مدیده قالمیه جفی و آنلردن قورتلحق ایچون ایلک فرصتدن اغنامه توسل ایده‌جکی آشکار ایدی. حتی بوخصوصده ۱۸۶۷ تاریخده فرانسه بی استمزاج ایدرک جواب ردالنجه پسمارق طرفندن فرانسه علیهنده ترتیب اولنش اولان پلاندن استفاده ایدرک قیود مذکورک قسمنی فسحقنی طلب ایلمش و فرانفوالمان محاربه‌سنک عرفه‌سنده پروسیه ایله بواساسی اوزرینه براتلافنامه غقدینه قدر وارمش ایدی. ۱۸۷۰ سنه سنک تشرین اولنده المانلر مظفراً ورسایه کلشدر و فرانسه بی کافه وسائط اختلاطی منقطع ایکی قسمه تقسیم ایلمشلر ایدی. ایشته انکثره ایله برابر

قریم بحار به سنه فعلاً اشتراك ايله پارس معاهده سنك احكامنى روسيه به قبول
ايتدیرن فرانسه حكومتى بويله بر حال مایوسیتده ایکن ایدیکه پرنس غورچاقوف
بردن بره ۲۹ تشرین اولده پارس معاهده سنك ایکنجی ماده سننى نقض ایدن مشهور
بیاننامه سننى اوروپا قاینه لرینه کوندرمشیدى. معلوم اولدینى وجهله معاهدات
دولیه دول مضیه نك انضمام رأى و موافقتی اولدجقه ردونقض ایديله مز. بناء علیه
پرنسك بو حرکتی بتون محافل سیاسیه جه قوتك حقه قارشى برضربه آهنگ شکنانه سى
صورتيله تلقی ایدلمشیدى. غریبدرکه بوکون حقوق دولیه به عینى ضربیه نى
اوران اوستریا و مجارستان حكومتك اولوقت رأس اداره سنده بولنان موسیو
بوست لورد غرانویل ايله متفقاً روسیه نك اشبو حرکت متحکمانه سنى علناً پروتستو
ایلمش ایدی.

انکلترة حكومتى پروتستو ایتکله برابر پروسیانك معاونت و حمایت علیه سنه
استناد ایدن روسیه نك امرواق حالنه وضع ایلدیكى اشبو حرکت خودسراهنه
طوعاً و کرهاً روى موافقت کوسترمکدن بشقه چاره سلیم قالمدیغنى درک و تیقن
ایلمش اولدیغندن موسیو «روسل» ی «ورسای» سراینده المانیا امپراطورانی
تاجنى اصاغه ایتکله مشغول بولنان بسمارقك نژدینه اعزامه قرار ویرمشیدى.
ثمرات غالبیتى هنوز اقطاع ایتامش اولان بوداهى سیاست اوروپا دولترینك
ایکى فرقه به اتقسامه اوغرامه دن اول مسئله نك حد ختامه ایصالنى ترویج ایده رک
روسل ايله هان مذاکرانه کیریشمش و مسئله نك تسویه مسالمتکارانه سنى متکفل
برقونفرانسك بر آن اول انعقادى نقطه سنده انکلترة نك موافقتى استحصال
ایلمشیدى. ۱۸۷۱ تاریخنده اجتماع ایدن برقونفرانس یکریم سنه دنبرى مسائل
شرقیه ده اوروپانك دستور حرکتى مقامنده بولنان پارس معاهده سنك ۱۱، ۱۳ و ۱۴
نحجی ماده لرینى لغو ایده رک روسیه نك فوق العاده مضیق بر قیدعه دیدن استخلاصنى
انتاج ایلمش ایدی. بحر سیاهك بیطرفلنى ازاله ایلدیكى کجی روسیه حكومتى
دخلى بحر مذکورده کالاول دونما بولندیرمق و سواحلنده برى و بحرى ترسانه لر
انشا ایلک حق لرینى استردادده موفق اولمشیدى. سواستوپول یکیدن دیريله جکدی.

مع‌مافیه روسیه نك بوقدر شعشعه دار غلبه‌سّه مقابل بوغازلر حقننده مرعی اولان قاعده‌یه ضعیف بر تعدیل اجر ایلدیی شویله که بوغازلر مسدود بولندیغی حالده بحر سیاهک سر بست بر اقلیمی دولت علیه ایچون بر کون اوله مخاطره عظیمه یی مستوجب اوله جغفی تأمل ایدن دول رقیبه ساره حکومت عنایه یه لزومی تقدیرنده دوست و متفق دولترک سفن حربیه سنه بوغازلری کشاد ایلmek حق و صلاحیتی تأمین ایلدیله بر صورته دول ساره روسیه نك تجاوزات محتمله سنه قارشى تمامی ملک و استقلال عثمانی نك محافظه سنه شتاب ایده بیله جککرایدی لوندره معاهده‌سی بوغازلرک سدی قاعده‌سی یارس معاهده سنک ذیل احکامه‌ی ابقا ایتمکله برار لزومی تقدیرنده معاهده مذکور نك تأمین جریان احکامی ایچون باب عالی دول متحابه و متفق نك سفن حربیه سنه بوغازلری آچه بیله جکدر دیور ایدی ایشته الحاله هذّه جاری اولان اصول دخی بوندن عبارتدر ۱۸۷۸ بحار به سی لوندره معاهده سنک احکامی بر قات زیاده میدان وضوحه وضع ایلمشدر. ایستقانوس معاهده سنک ۲۴ نجی ماده‌سی موجبجه بوغازلر ایله بحر سیاه حال صلح و حربده بی طرف دولترک سفن تجاریه سنه کشاده طوره جقدی برلین معاهده‌سی دخی بوغازلر مسئله‌سی موضوع بحث ایده رک ۶۳ نجی ماده‌سی اقتضاسنجه یارس و لوندره معاهداتنک بوغازلر حقننده کی مواد معلومه‌سی ابقا و تجدید ایلمشدر.

۱۸۴۱، ۱۸۵۱، ۱۸۷۱ و ۱۸۷۸ تاریخلرنده عقد اولنوب بوغازلر مسئله‌سنه متعلق اولان معاهداتک ماهیت حقوقیه سنه کلنجه بونلرک کافه‌سی و نائق مشترکه دولیه دن معدود اولوب دول ممضیه کرک دولت علیه یه و کرک یکدیگرینه قارشى بوبایده تعهد مشترکه بولنشلردر.

مع‌مافیه لورد سالسبورى ۷ مایس سنه ۱۸۸۵ تاریخنده لوردلر قماره سنده معاهدات مبحونه نك اشبو ماهیت مشترکه‌سی ردایله دول ممضیه دن هر بری آری آری دولت علیه یه و یکدیگرینه قارشى متعهد و مربوط اولدیغی ادعا ایلمش ایه ده هر حالده ادعای واقعی ارباب حقوق نزدنده موافق کوریه مامشدر هانری ژدفکن، بوبایده دولت علیه یه قارشى بش آلتی حکومت آری آری تعهدده بولنشلر

ایسه ده بو تعهدات مستقله حقیقته بر تعهد مشترک تشکیل ایلمکده و دول ممضیه دن هر بری تعهد مشترک واقعه مغایر وقوع بوله حق هر کونه تجاوز دن حساب طلب ایتمک صلاحیت داردر - دیور ایدی.

پارس معاهده سنک ایکنجی ماده سی موجبجه دول متجاهنهک سفاراتی معیتله طونه منصب لرنده اقامه اولنه حق بعض کچوک سفن حربیه نک بوغازلردن مرورینه، «ستاقو» نک محافظه سی سرطیله، باب عالی طرفندن فرمانلر اصدار ایلمک حق و صلاحیتی قبول و تصدیق اولنشدی. اشبو ستاقو قید صریحی مساعدۀ مذکوره دن دول معظمه نک یالکز بر قاجانک استفاده سی و دیگر لرینک محرومیتنی موجب اولمشدر. ۱۸۹۶ تاریخنده آمریکا جاهیر متفقۀ سی طرفندن بوبایدۀ وقوع بولان طلب قید مذکوره استناداً رد ایلمشدر.

ایشته مسرودات واقعه دن مستیان اولدینی وجهه روسیه حکومتک بوغازلر مسئله سی حقنده من القیم تعقیب ایلدیکی اصول سیاست بوغازلرک سفن حربیه سنه آچیق بولنسی اساسنه مستند اولوب تجاوزات ملحوظۀ آیه سنه مادی بر حائل بر اقامقن عبارتدر انکاتره و بو خصوصه آنکه متفق الرأی اولدیننی اثبات ایدن فرانسه ایسه و سائط حربیه لرندن بعید بولسان بوغازلرک سدی لهنده بولنوب و فقط روسیه دونمالرینه واسع بر جولانگاه بولان بحر سیاهک سر بست بولنسنه نظراً روسیه نک تجاوزات محتمله سنه قارشی بر چاره مؤثر اولق اوزره دولت علیه نک حین حاجتده مذکور بوغازلری دوست و متفق لرینک سفن حربیه سنه آچه یلمه سی ترویج ایلمکده درلر لورد سالسبورنی نک لوردلر قاره سنه اراد ایلدیکی فکر ایله ۱۸۴۱ تاریخنده فرانسه دیپلوماتلرندن برینک بوغازلرک آچیق و یاقبالی قلمی شقلرندن هانکیسنی ترجیح ایلدیکنه دائر وقوع بولان سؤاله لورد پالمستونک - البته قبالی اولمنی آرزو ایدرم چونکه انکاتره نک و سائط حربیه سندن چوق بعید اولدقلری حالده روسیه نککیلره چوق قریبدر - بولنده اراد ایلدیکی جواب بونی قطعاً مؤیددر.

دولت علیه به کنجه من القیم بوغازلر حقنده تعقیب ایلدیکی مسلک وقاعده

بوغازلرک مسدودیتہ معطوف اولوب وقوعی ملحوظ اولان تعرضات اجنبیہ قارشئ حال احتیاط و تحفظدہ بولمقدن عبارتدر . استانبولک طبیعی قبولری متاہسندہ بولنان بوغازلرک قبلی طوتلمسی پایتخت - ملطنت عثمانیہ نک امن واستقبالنہ فوق العادہ تعلق ایدر بر مسئلہ حایہ در . بوغازلر مسئلہ سنک روسیہ حکومتی طرفندن بوصوک کونردہ اویاندیرلینی ومع مافیہ قریباً انعقادندن بحث اولنان قونفرانسک فہرست مذاکراندن کرید مسئلہ سی کی خارج بر اقلدینی وقونفراندن صکرہ یالکز روسیہ ایلہ دولت علیہ یبتندہ موقع مذاکرہ وضع اولنہ جفی ادعا اولنقدہ در . موضوع مقال اولان مسئلہ اطرافندہ دوران ایدن اشبو شئون و حوادث؛ دولت علیہ یہ بوبادہ کی مسلک تاریخینی ، دستور سیاسینی اخطار ایلملیدر .

بزہ قاورسہ انکلتزہ حکومتی بوغازلرہ یقین سودہ لیمانی کی اہمیتی براس بحریہ و دولت علیہ دخی درسعادتہ ایصال ایدن طرق بحریہ یہ حاکم قوتی استحکامات بریہ ایلہ عظیم بر قوۃ بحریہ یہ نائل اولما یجہ بوغازلر مسئلہ مہمسی صورت مصلحانہ ودوستانہ تسویہ پذیر اولہ امار .

سوختہ زادہ احمد

استشارہ مجموعۃ محترمہ سنہ تقدیمۃ ناچیزانہ مدر :

احمد رامہ

فس حقیقہ

بوسنہ - ہرسکک آوستریا طرفندن الحاقی بزہ کلاہلری دیکشدیرتدی . شہور حریتک دہا اوچینجیسی اکیال ایتہ دیکمز برصیردہ باشمزہ بلغارستان استقلالی ، بوسنہ - ہرسکک الحاقی وکرید مسئلہ سی ناملریلہ چیقان بو اوج بوسکوللو بلانک آوستریا انتریقہ سی اولدیغندہ شک وشبہ قالمایجہ علیہنہ بر حرب اقتصادی آچہرق اموال وامتعہ سنی کچہ کلاہ ایتدک . آوستریا شمالدن آلمانلرک تضییقہ بالقانلرہ طوغری یایلمغہ مجبور اولدیغنی متألمانہ کورمکدہ اولدینی - استشارہ -